



КАНАНИСТЪ БОЖИЕЙ МАТЕРИ
ВЪ ЧЕСТЬ ЧУДОТВОРНОЙ ИКОНЫ ЕЯ,
НАШЕЮЩАЯ
ПОДОЛЬСКАЯ

Кондак 1

Взбранной Воеводе, заступнице нашей Богородице, восенившей богоспасаемый град Житомир явлением чудных икон Своей яже на Подоле, Тебе Всемилостивой Владычице, хвалебное пение приносим Ти раби Твои; Ты же, яко имущая Державу непобедимую, сохрани и спаси благодарне Ти вопиющия: Радуйся Пречистая, от иконы Твоея Подольския милости источающая!

Икос 1

Ангелов Царице и право славящих Бога Владычице, Пречистая Дево Богородице, сподоби нас возносити Тебе гласы, хвалы и благодарения за великия и премногия милости источаемыя роду христианскому и радостно воспевая Ти:

Радуйся, пророческих глагол Печать Одушевленная;
радуйся, родителей благочестивых Дщерь Благословенная.

Радуйся, во Святая Святых дивно вшедшая; радуйся, сим ангелы удивившая.

Радуйся, Благую Весть смиренно приявшая; радуйся, рождество и девство чудно сочетавшая.

Радуйся, Бога плотию рождающая; радуйся, поклонение волхвов Богомладенцу зрешая.

Радуйся Пречистая, от иконы Твоея Подольския милости источающая!

Кондак 2

Видяще Пречистая Владычице, немощи и болезни наша, благоизволи явити милость Свою, утешая и исцеляя коегождо по потребе его, да никтоже от Тебе неутешен отыдет. И мы, благодаряще дивную Заступницу, тепле о Тебе Богу вопиём: Аллилуиа.

Икос 2

Разумети тщашеся тайну Твоего о нас попечения прибегаем, о Богомати, к Тебе. Ты же, яко благая наставнице, научи нас разумети волю Твою святую да зовем Ти радостно:

Радуйся, Симеоновы словеса в сердце слагавшая; радуйся, пророчицы Анны благословение приявшая.

Радуйся, Отрока Иисуса в храме обретшая; радуйся, в Кане Галилейстей о чуде Христа умолившая.

Радуйся, крестный путь Сына Своего слезами оросившая; радуйся, страдания Его сердцем разделившая.

Радуйся, Воскресением Христовым дивно обрадованная; радуйся, Вознесением Господним светло озаренная.

Радуйся Пречистая, от иконы Твоея Подольския милости источающая!

Кондак 3

Силою благодати от иконы Твоея Подольския исходящей, Владычице Всепетая, люте страждущую рабу Божию Надежду исцелила еси. Она же, по исповедании и причащении Тела и Крове Сына Твоего, взирающе на чудо сияния иконы Твоея, здрава бысть и воспе Богу: Аллилуиа.

Икос 3

Имеюще любовь велию и милосердие неизреченное к людем земли Волынской, руку помощи им простираеши. Мы же со трепетом взираше на святую икону Твою, молим Ти ся прилежно, обрати ны от злб наших и научи нас во смирении и кротости духа глаголати Тебе:

Радуйся, облаче всесветлый; радуйся, свещниче всезлатый.

Радуйся, стамно драгая, в ней же манна нетленная; радуйся, жезле Ааронов в нем же чудо благословенное.

Радуйся, Купино Неопалимая; радуйся, Горó Всесвятая.

Радуйся, божественная Трапезо; радуйся, Радосте всех радостей.

Радуйся Пречистая, от иконы Твоея Подольския милости источающая!

Кондак 4

Рую внутрь имея помышлений сумнительных, православнии людие, яже во граде Житомире, смятошася, зряще от безбожник храм Твой оскверненный, и скорбию одержими, да не поругана будет святая икона Твоя, в собор ю принесоша. Видяще же и тамо благодатную помощь от нея источаемую, возопиша с веселием: Аллилуиа.

Икос 4

Рся сущи в вышних, но и нижних не отступаючи благоизволила еси, Богомати, якоже некогда граду Бару на Подолии чудотворную икону даровати*, тако и град Житомир в подобии честнаго образа Твоего благословила еси. На него же взирающе, со умилением зовем:

Радуйся, светлыми лучами чудотворных икон всю землю Русскую озаряющая; радуйся, дары исцелений и милостей от них источающая.

Радуйся, благодать иконе Твоей на Подолии в граде Баре обретаемей даровавшая; радуйся, и список ея во граде Житомире на Подоле прославившая.

Радуйся, во обстоянии сущим скорую помощь дарующая; радуйся, отчаянным надежду возвращающая.

Радуйся, во дни гонений православный люд утешающая; радуйся, и противу расколов нас укрепляющая.

Радуйся Пречистая, от иконы Твоея Подольския милости источающая!

Кондак 5

Нко боготечную звезду, узревше чудотворную и многоцелебную икону Твою на Подоле дивно просиявшую, христоименитии людие прославляют Тя и Тобою Сына Твоего, Ему же поем: Аллилуиа.

* Подольская икона Божией Матери является списком чудотворной Барской иконы Божией Матери, находящейся в г. Бар Винницкой обл. (бывшей Подольской губернии).

Икос 5

Виде цельбоносный святы́й образ Твой, на нёмже сила и благодать Твоя, яко неисчерпаемое море, верным на всякое прошение благоизобильствует, недугующий Иоанн в злострадании телесном врачами земными оставленный, к Тебе моляся, скоро исцеление прият и благодарне возопи:

Ра́дуйся, а́нгельский у́ме; ра́дуйся, о́гненный престо́ле.

Ра́дуйся, благоуханное кади́ло; ра́дуйся, боготканная порфи́ро.

Ра́дуйся, правове́рных огражде́ние; ра́дуйся, покрóв наш и спасе́ние.

Ра́дуйся, грешником очище́ние; ра́дуйся, праведником вспомо́жение.

Ра́дуйся Пречи́стая, от ико́ны Твоея́ Подо́льския ми́лости источа́ющая!

Кондак 6

Ако свещá неугасима́я сияеши ми́ру, Влады́чице, и ма́терем, яко Ма́ти Бо́га нашего́, ско́рая помощница являе́шися, некогда́ пред чудотворным образом Твоим три свещи́ поставити велела еси́, и тако́ отъя́ся слéпота телесная дитя́ти, отверза́я о́чи серде́чныя пою́щим Сы́ну Твоему́ и Бо́гу: Аллилу́иа.

Икос 6

Возсиявши́ благода́тию неизрече́нною от цельбоносны́я ико́ны Твоея́, о Богома́ти, христолюбивым лю́дем подае́ши исцеление. Мы же, виде́вше вели́чие чуде́с Твои́х со трéпетом и любóвию вопи́ем Ти:

Ра́дуйся, о почита́ющих Твою́ ико́ну благая ходата́ице; ра́дуйся, моля́щимся пред не́й ве́рная предста́тельница.

Ра́дуйся, ико́ною Твое́ю от злотво́рных бед град наш огражда́ющая; ра́дуйся, милосе́рдия двéри нам отверза́ющая.

Ра́дуйся, раско́лов и е́ресей искорене́ние; ра́дуйся, хра́мов и собо́ров правосла́вных непреодоли́мое огражде́ние.

Ра́дуйся, архиере́ев и пресви́теров присная помощница; ра́дуйся, земли́ Полес́ския пресла́вная заступница.

Радуйся Пречистая, от иконы Твоея Подольския милости
источающая!

Кондак 7

Хотя долготерпеливый Всевидец Господь явити бездну
Своего человеколюбия, избра Тебе, Дево Пречистая, в
Матерь Себе, и нам дарова в покров и защиту; да будеши тихое
пристанище всякой души христианстей. Мы же, дивяшеся
неизреченному о нас попечению, зовем Сыну Твоему:
Аллилуиа.

Икос 7

Живныя и преславныя чудеса Твоя, Пренепорочная
Владычице, щедро изливаеши: Церковь соблюдаеши,
грады и веси благословляеши, души верных овсящаеши.
Смирено просим, буди милостива и к нам направляя по стезям
спасительным заповедей Сына Твоего, да не тая Твоих
благодейний, благодарственно глаголем Ти сице:

Радуйся, веры хранительнице, в Православии Русь
утверждающая; радуйся, мира Владычице, вспять козни
лютых врагов обращающая.

Радуйся, небесе и земли Царице в подвиге верных
укрепляющая; радуйся, Покрове Небесный, от стрел злых
устремлений ограждающая.

Радуйся, дочь Давидова, глубины покаяния отверзающая;
радуйся, Мати Христова на высоты богопознания
возводящая.

Радуйся, мудрости сокровище, духовныя блага
ниспосылающая; радуйся, непорочности Венче, к чистоте и
святости призывающая.

Радуйся Пречистая, от иконы Твоея Подольския милости
источающая!

Кондак 8

Живная являеши дела Твоя, Богорадованная Владычице, и
богатую помощь всем с верою, надеждою и любовью
вкупе с покаянием ко Пресвятым Телу и Крови Сына Твоего и
Бога нашего приступающим; Ему же поем: Аллилуиа.

Икос 8

Ресь род христианский, Пречистая Богородице, по всей вселенной Тебе прославляет. Ты Ангелов Госпоже, монашествующих заступнице, мирян помощнице, и всем по Бозе наша надеждо. Сего ради поем Ти:

Радуйся, воздух и воды очищающая; радуйся, всем полезная устрояющая.

Радуйся, от глада, мора и язвы избавляющая; радуйся, милосердие сладостное источающая.

Радуйся, врагов и супостатов прогонительнице; радуйся, православных царств премудрая зиждительнице.

Радуйся, воинства православного невидимая покровительнице; радуйся, священства новозаветного к Богу ходатаице.

Радуйся Пречистая, от иконы Твоея Подольския милости источающая!

Кондак 9

Рсе естество ангельское величает Тя, Мати Бога Вышняго, и роди человечести блажат Тя, Марие Богоневестная. Мы же, дивящееся величию Твоему, Пресвятая, яко Бога вместила Невместимаго и яко Спаса родила душам нашим. Славим и поклоняемся Творцу, давшему нам Заступницу усердную, и поем Богу: Аллилуиа.

Икос 9

Ретий многогласнии недоумеют познати тайну Рождества Христова, Приснодево, ниже могут уразумети силу чудотворных икон Твоих, в бедах и напастех нам помогающих. Мы же, великия благодеяния от иконы Твоея Подольския видяще, с радостию вопием Ти:

Радуйся, всех скорбящих Радость велия; радуйся, Цвете неувядаемый Божественнаго саждения.

Радуйся, грешников Споручнице; радуйся, просящих Скоропослушнице.

Радуйся, милующая, к Тебе прибегающих; радуйся, исцеляющая Тебя умоляющих.

Радуйся, святых Руси покрове державный; радуйся, Церкви омофоре преславный.

Радуйся Пречистая, от иконы Твоея Подольския милости
источающая!

Кондак 10

Спасти хотя всякую душу христианскую, любовьию
печешься о ней, Царице Небесная, яко рекла еси в
видении сонном некоей Дарии, расслаблением ног страждущей,
призывая помолитися образу Твоему, яже на Подоле. В день
субботняго акафиста, Пресвятая Владычице, прияв слезную
молитву болящей, чудесно исцели и научи ю пети Сыну Твоему:
Аллилуиа.

Икос 10

Стена еси неборимая и надеждо несокрушимая всем к
Тебе усердно притекающим, о Богомати! Молим Тя,
прими грешных душ покаяние, обремененных сердцем
сокрушение, и сохрани от стрел лукаваго врага. Сию же икону
благоговейно чтуще со умилением и любовью взываем Ти:

Радуйся, чистоты сокровище многоценное; радуйся,
святости величие неизреченное.

Радуйся, целомудрия ангельское благоухание; радуйся,
нетления благодатное одеяние.

Радуйся, любви Христовы райское цветение; радуйся, Света
Божественного дивное отражение.

Радуйся, кротости тихое веселие; радуйся, веры огненное
озарение.

Радуйся Пречистая, от иконы Твоея Подольския милости
источающая!

Кондак 11

Пение хвалебное и благодарственное, приносимое Ти,
Мати Божия, людьми земли нашея не довлеет достойно
прославить милости Твоя, имиже питаеши всех нас. Обаче да не
престанем уповати на посещения Твоя во дни жития нашего, а
наипаче в нынешний час, дабы едиными усты и единым сердцем в
радости воспевати Богу: Аллилуиа.

Икос 11

Света Невечерняго Мати Препоблагословенная, даруеши нам
радость зрети светозарную икону Твою в храме Успения
Твоего. Молимся Ти, о Пресвятая Госпоже Богородице, подати

нам благодать от иконы Твоея исходящую, дабы возжещи и неугасити огнь молитвы нашея, прославляя Тя тако:

Радуйся, яко Тебе и Сыну Твоему в образе честнем благодарно поклоняемся; радуйся, яко ликом сим святым умиляемся.

Радуйся, во храмах Божиих присно пребывающая; радуйся, кров жилищ верных посещающая.

Радуйся, отчаянным будущих благ надеждо и укрепление; радуйся, в житии нашем вспоможение.

Радуйся, в час недоумений мысль благу полагающая; радуйся, во дни искушений крепость духа снабдевающая.

Радуйся Пречистая, от иконы Твоея Подольския милости источающая!

Кондак 12

Благодать даровася святым иконам Твоим, Богомати Преблагая: в болезнях е исцеляти, в скорбных обстояниях е укрепляти и помогати, в народных треволнениях е вразумляти и утешати. Войстину невозможно человеческим умом разумети благодеяния Твоя, но токмо чистым сердцем постигаем, о нихже Творцу Богокрасно поем: Аллилуиа.

Икос 12

Прославляюще чудеса, Богородительнице, неоскудно являемая от множества икон Твоих, имиже вся вселенная благословляется, и ведяще богатую милость народам подаемую умильно вопием Ти:

Радуйся, Палато Царя пребывание; радуйся, Даров Божественных излиание.

Радуйся, Дщерь Царя преблагословенная; радуйся, Царице, Дево превознесенная.

Радуйся, Богородице, Мати всепетая; радуйся, Владычице Небом воспетая.

Радуйся, Кладезь, мир напаяющая; радуйся, Свете, тьму прогоняющая.

Радуйся Пречистая, от иконы Твоея Подольския милости источающая!

Кондак 13

О, Всепетая Мати, неусыпная предстательнице, вонми гласу моления нашего, пред святою иконою Подольскою усердно Тебе возносимого! Сохрани нас от враг видимых и невидимых, болезней душевных и телесных, всякаго злаго обстояния и скорби. Буди нам скорая помощница и заступница в день кончины нашея; в будущей жизни огня вечнаго избави! Да спасении Тобою с лики ангельскими и со всеми святыми воспоем Богу: Аллилуиа.

Сей кондак глаголется трижды: также икос 1: «Ангелов Царице ...» и кондак 1: «Взбранной Воеводе...».

Молитва первая

О, Всемилостиваго Бога милосердная Мати, Преблагословенная Владычице, Богородице Приснодево! Услыши стенание и вопль наш, вонми гласу моления нашего. Простри Твоим всемогущим предстательством руку помощи, да не погибнем со беззаконными нашими, но в покаяние благовременно приидем. Избави нас от падений греховных и от навет злых человек. Веси бо немощь и скорбь нашу, от страстей и бесов бываемую. Тобою бо демони попираются и вразі посрамляются. Исполни во благо прошения наша, Тебе приносимыя; никто же бо, притекая к Тебе, посрамлен отходит. Умоли Сына Своего и Бога нашего да милостив будет неправдам нашим и да не внидет в суд с рабы Своими, яко не оправдится пред Ним всяк живый. Вемы бо, яко много может моление Матернее ко благосердию Владыки и вся Тебе от Него возможна суть. Исцели язвы телес наших, грехми оскверненных, и очисти души наша, страстьми омраченныя. Направи ум наш на путь правый и утверди волю нашу к соблюдению заповедей Сына Твоего и ко исполнению дел благих, да милосердие Его неотступно будет с нами.

О, Всеблагая Владычице, покрый, соблюди и спаси всех к чудотворному Твоему образу припадающих и осени всемогущим Твоим покровом. Прочее время жития нашего Твоея милости и многия благости нас не лиші. Буди нам присно упование непостыдное в земном житии; и по преставлении нашем да вси немолчными усты и чистым сердцем со безплотными

ангельскими лики и всеми святыми славим, хвалим, поём и величаем Тя ныне и присно и во веки веков. Аминь.

Молитва вторая

Пресвятая Богородице, Дево Владычице, вышшая Ангел и Архангел и всея твари Честнейшая! Услыши нас, молящихся Тебе, и яви милость Твою на людех Твоих. Помяни, Всемилостивая Госпоже, предстоящая люди и ради благословных вин отшедших, помилуй их и нас по множеству милости Твоея: сокровища их исполни всякого блага, супружества их в мире и единомыслии соблюди, младенцы воспитай, юность настави, старость поддержи, малодушные утеша, расточенныя собери, прельщенных вразуми, стужаемыя от духов нечистых свободи, плавающим сплавай, путешествующим спутешествуй, вдовицам предстани, сирых защити, плененныя избави, недугующия исцели, на судищи, в рудах, в заточении, в горьких работах, во всякой нужде и обстоянии сущих облегчи, возстави и помилуй. Изряднее же Церковь Сына Твоего соблюди и сохрани в долготу дней, Ты бо еси, Госпоже, Надежда наша и Заступница всех притекающих к Тебе и Твоея святыя помощи просящих. Темже всечестный образ Твой и рукою Твоею держамаго Вседержителя, видяще на иконе, радуемся, грешнии, со умилением припадающе и любовию сей лобызаем, чающе, Госпоже, Твоими святыми богоприятными молитвами сподобитися небесныя безконечныя жизни, и непостыдно стати в день судный одесную Сына Твоего и Бога нашего, славящее Его купно со Безначальным Отцем и Пресвятым, и Благим, и Животворящим Духом во веки веков. Аминь.

Тропарь, глас 4

Днесь благовернии люди светло радуются, припадая пред чудотворным образом Пресвятыя Владычицы, лобызая его со слезами и умильно глаголющее: покрый нас честным Твоим омофором, Мати Божия, и избави нас от всякого зла, яко икона Твоя Подольская чудесы многими прославися, к ней же с верою притекающи приемлют недугов исцеления.

Ин тропарь, глас 3

Священна́я и Непоро́чная Влады́чице Всепе́тая прими́ моли́твы на́ша, и помози рабо́м Твоим, прибега́ющим ко святей иконе Твоей Подольстей, яже во граде Жито́мире дивноявленней, и люди Твоя́ благодатным покровом осеняющей.

Кондак, глас 6

Не има́мы инья́ по́мощи, не има́мы инья́ наде́жды, разве Тебе́, Влады́чице, Ты нам помози́: на Тебе́ наде́емся, и Тобо́ю хва́лимся, Твой бо есмы́ раби́, да не постыди́мся.

Величание

Велича́ем Тя, / Пресвята́я Де́во, / Богоизбра́нная Отрокови́це / и чтим о́браз Твой святы́й, / имже то́чиши исцеления́ / всем с ве́рою притека́ющим.

